



Coimisiún na Scrúduithe Stáit
State Examinations Commission
Scrúdú an Teastais Shóisearaigh sa Cheol, 2017
Na Trialacha Praiticiúla
MEABHRÁN

1. Riachtanais an tSiollabais

- a) Is é atá sa triail cheolchasaídh sa cheol ná triail i gceann amháin nó in dhá cheann de na catagóirí a luaitear ar lgh 4 – 7 de Shiollabas Ceoil an Teastais Shóisearaigh.
- b) Ní bheidh na trialacha ceolchasaídh níos faide ná é seo a leanas, an triail neamhullmhaithe san áireamh:
An Gnáthleibhéal: 10 nóiméad **An tArdleibhéal:** 15 nóiméad
- c) Ní mór d'iarrthóirí Ardleibhéil
 - i. ceithre dhréacht a sheinm ar an uirlis (nó guth) chéanna sa ghníomhaíocht chéanna nó
 - ii. dhá dhréacht an ceann in dhá ghníomhaíocht éagsúla.Ní cheadófar aon chomhcheangal eile.
- d) Ní mór d'iarrthóirí Gnáthleibhéil dhá dhréacht a sheinm ar an uirlis (nó guth) chéanna sa ghníomhaíocht chéanna. Ní cheadófar aon chomhcheangal eile.
- e) Tá cead ag na hiarrthóirí clár dá rogha féin a bheith acu don triail cheolchasaídh. Ní gá cead chuige sin a fháil roimh ré ó Choimisiún na Scrúduithe Stáit.

2. Ceolchasadh grúpaí

- a) Sa cheolchasadh grúpa, ceadáítear d'iarrthóirí teacht i láthair don scrúdú mar seo a leanas:
 - i. Aon áit a bhfuil iarrthóirí ag amhránaíocht/seinm in aoncheol, ceadáítear dóibh teacht i láthair don scrúdú ina ngrúpaí nach mbeidh níos mó ná cúigear iontu
 - ii. Aon áit a bhfuil iarrthóirí ag amhránaíocht/seinm in armóin, ní cóir go mbeadh níos mó ná beirt iarrthóirí ann in aghaidh na coda inscrúdaithe.
- b) Ní mór gach amhrán/dréacht i ngníomhaíocht a chur i láthair mar aonad ceolchasaídh in aon seisiún amháin. Aon áit nach bhfuil gach ball de ghrúpa ag cur na rogha céanna i láthair, ní mór clár iomlán gach iarrthóra a chur i láthair ar leithligh.
- c) Seachas tionlacaithe nó duine chun fuaimriain taca a oibriú nó ceoltóirí atá páirteach i gceolchasadh grúpa, ní ligfear duine ar bith ach an t-iarrthóir nó na hiarrthóirí atá faoi scrúdú isteach sa seomra leis na scrúdaitheoirí. Ní cheadáítear don tionlacáí ná don duine atá chun fuaimriain taca a oibriú ná do cheoltóirí eile a bheith sa seomra le linn don triail neamhullmhaithe a bheith ar siúl.

3. Tionlacan

- a) Ceadáítear do na hiarrthóirí **uile**, cibé acu an phríomhpháirt nó páirt tacaíochta/armóin ata á seinm acu, ceolchasadh a dhéanamh le tionlacan beo **no le taifead**.
- b) Ní mór gach gné den cheolchasadh (e.g. fuaimrian taca, má tá cluasáin á gcaitheamh ag an iarrthóir) a bheith inchloiste ag an Scrúdaitheoir.
- c) Ní ceadmhach fón póca a úsáid chun fuaimrian taca a sheinm. Níl cead ag na hiarrthóirí **ná** acu siúd a bheidh á dtionlacan ná ag múinteoirí fón póca a thabhairt isteach in ionad na scrúduithe ar chúis ar bith.
- d) Ní mór fuaimrianta taca a bheith i bhformáid chruachóipe (dlúthdhiosca/DVD/téip/méaróg USB/an diosca crua ar ríomhaire (glúine)). Ní cheadmhach fuaimrianta taca a íoslódáil ná a shruthú beo ón idirlíon le linn na trialach féin.

4. Trialacha neamhullmhaithe

- a) Beidh ar gach iarrthóir, iarrthóirí chatagóir 4 san áireamh, roghnú idir thriail neamhullmhaithe
 - i. sa chluaschumhne nó
 - ii. san amharcléamh. **Níl rogha ar bith eile le fáil.**
- b) Seinnfear na trialacha cluaschumhne trí huair. Freagraíonn an t-iarrthóir tar éis an dara agus an tríú seinm. Bronnfar marcanna as an iarracht is fearr díobh.
- c) Is do uirlisí faoi leith a cumadh na trialacha san amharcléamh sa Teastas Sóisearach. **Ní ceadmhach iad a sheinm ar aon uirlis seachas an uirlis a luaitear.**
- d) **Níl amharcléamh rithim ar fáil mar rogha i dtrialacha praiticiúla an Teastais Shóisearaigh.**

5. Ionad na Scrúduithe agus Sceidealú

- a) Beidh an triail cheolchasaídh ann idir **27 Márta agus 7 Aibreán, 2017, an dá dháta sin san áireamh**. Ní mór d'iarrthóirí a bheith i láthair ag an am a shocraítear dóibh.
- b) Ní cheadófar an triail a athsceidealú ar dháta eile, ach amháin ar chúiseanna deimhnithe leighis (féach foirm MP7) i gcás iarrthóra nach bhfuil in ann bheith i láthair le linn na tréimhse scrúdaithe a luaitear thuas.
- c) **Ní mór an ceolchasadh iomlán a dhéanamh in aon seisiún scrúduithe amháin**, pé acu le linn an phríomhsheisiúin sceidealta den scrúdú nó, sa chás go gceadaítear é, ar an dáta athsceidealta.
- d) Ní mór airde na fuaime sa cheolchasadh a choinneáil ar leibhéal inghlactha mar mhaithe le cúinsí Sláinte agus Sábháilteachta.
- e) Tig le scrúdaitheoirí iarraidh ar iarrthóirí stopadh ag pointí oiriúnacha, mar is rogha leo, agus/nó, sa cheolchasadh grúpa nuair a bhíonn an dréacht an-ghairid, a iarraidh orthu an dréacht a sheinm arís. Tugtar do d'aire nach mbeidh tionchar ar bith aige sin ar mharcáil cheolchasadh an iarrthóra.
- f) Moltar d'Údaráis na Scoileanna gan tráthchlár a thabhairt d'iarrthóirí ós rud nach féidir a mheas go beacht cén t-am go díreach a bheidh triail phraiticiúil ar bith ar siúl. Tugtar do bhuir n-aire freisin go gcuirfidh cuairt mhonatóireachta ó Scrúdaitheoir Comhairleach moill ar na trialacha. Níl neart air seo agus tá sé riachtanach chun slánchúis na scrúduithe a chinntiú. **Is cóir a chur in iúl do na hiarrthóirí nach féidir leo a bheith ag siúl leis go gcuirfear faoi scrúdú iad ag am ar leith.**
- g) Ós triail cheolchasaídh í seo, ní mór a bheith cúramach agus ionad na scrúduithe á réiteach. **Ní mór ionad na scrúduithe a bheith in áit sa scoil atá saor ó thrup agus ó chur isteach ó mhic léinn eile agus ó fhógraí ar an ngléas idirchumarsáide.**
- h) Níl cead ag an Scrúdaitheoir aon chuid den scrúdú a phlé le haon duine. Aon cheist a bheidh ag aon duine faoin scrúdú, is cóir í a chur ar Choimisiún na Scrúduithe Stáit.
- i) Ní mór do na hiarrthóirí **uile** bualadh leis an Scrúdaitheoir ina ngrúpa nuair a thagann sé/sí go dtí an scoil. Iarrtar ar na scoileanna a dhéanamh cinnte go gcuirtear in iúl do na hiarrthóirí go bhfuil sin riachtanach, agus go gcuirtear seomra oiriúnach ar fáil don chruinniú leis an ngrúpa.

6. Eolas ginearálta

- Na hiarrthóirí ar mian leo an **tobchumadh** a chur i láthair faoi chatagóir 6 (lch 65, Aguisín E den siollabas), ní mór dóibh a chur in iúl do Choimisiún na Scrúduithe Stáit cén dá théama ar a bhfuil sé i gceist acu tobchumadh ullmhaithe a sheinm. Ní mór do na hiarrthóirí Ardleibhéal oilteacht a léiriú faoi thrí cinn de na ceannteidil a thugtar in Aguisín E, agus ní mór do na hiarrthóirí Gnáthleibhéal oilteacht a léiriú faoi ceannteideal amháin díobh. Tabharfar amach tobchumadh neamhullmhaithe lá an scrúdaithe. **Cuirfear triail amharcléimh nó triail chluaschuimhne ar na hiarrthóirí freisin.**
- Meabhraítear do na hiarrthóirí agus do na múinteoirí gur féidir leo seanpháipéir, trialacha neamhullmhaithe agus eolas ábhartha eile a fheiceáil ar shuíomh gréasáin Choimisiúin na Scrúduithe Stáit, www.examinations.ie, agus iad a chóipeáil anuas agus a chlóbhualadh.
- Is cóir dul i dteagmháil leis an rannóg a leanas má tá aon cheist ag aon duine faoi na trialacha ceolchasaídh sa Cheol:

Rannóg na dTrialacha Praiticiúla (Ceol),
Coimisiún na Scrúduithe Stáit,
Corr na Madadh,
Baile Átha Luain,
Co. na hIarmhí.
Teileafón: 090-644 2751 / 090-644 2752
R-phost: info@examinations.ie